


# NJILA JIYEDI



## KUTONDA NJILA

Chitukunyamuka kwetu nakuya muwenyi wakadi kwilukahu dehi, hitukwihula njila. Tukwenda nakushinshika ho-o, neyi tukumona netu twaluwa, hitukubalumuka nakukerakeja njila yalala.

Wejima wetu tudi nakwendana munu mwishina. hefuku hefuku, hitukuya mwaya nyaka, chitwamba kashikamu hitwakatwesa kufumamuku. Eyi wuneluki kuwukuya tahindi?

## MUKANDA WETU WAKUTULEJA NJILA

Nzambi, nakukeja kwindi naluwi lwindi, natwinki mukanda washimunaga chalumbuluka njila yamwiwulu. Mazu amakwawu ahakamukanda aka tunayinoni hamukanda windi. "Izu deyi hiinogu dakunyendu yami, hichejeji chamunjila yami." (Masamu 119:105).

## NJILA YABWAMBAJANA

Munjila yeniyi mudi antu amavulu. "Chisu cheneneni ninjila yabwambašana

yaya kukujilumuka, mwenjilana amavulu.” (Matewu 7:13).

Amavulu ajima dehi kumesu. Hela kwiluka hela kujinoka nawu tudi nakuya nakujilumuka nehi. “Kwekala njila yamonanayi muntu nindi yalona, komana kunsu yayu kudi njila jakufwa.” (Yishimu 14:12). “Nzambi yampata yamakonu (diji Satana) naputishi mesu ayitongojoka yawantu abula kwitiya.” (2 AKorinda. 4:4).

## **YITELI**

Antu adi nakwenda munjila iyi asendana yiteli **yanshidi**. “**Antu ejima anavulumuni**, anakananyi kushika mwashikila kulema kwaNzambi.” (ARoma 3:23). Hitukutweshwa kujinda nshidi yetu, hela muloja wumu, kumesu aNzambuku. “Antu atalana kumesu, hakwila Yehova watalana kumuchima.” (1 Samweli 16:7). **Yiteli yakasika kunyima yawu**. Hela ami hela eyi, hitukutweshwa kufumisha muloja wumu naḡovu yetu awenuku. Chiteli hichikuya nakulema nyaka yejima. “Wufwetu wanshidi hikufwa.” (ARoma 6:23).

## **NZAJI**

Kumwevulu **nzaji** yashimunana **kusompesha** kwaNzambi. “Antu anayifuukwili kufwa kamu, nkumininaku **hikusompesha**.” (AHeberu 9:27). “Hinukumona itanda dawanta deneni ditooka, ninowu washakamahu... Hinukumona afu, niamaneni nianyanya, hiyakwimena kumesu etanda dawanta; hiyakubakula nyikanda; hiyakubakula nimukanda wukwawu, wowu wawumi. Hiyakusompesha afu nansana jayuma yelilana yawu yasonekeluwu dehi munyikandoyu. ...Muntu abulili kuwanawu mumukanda wawumi, amuumbilili mwijiya dakesi.” (Chimwekeshu 20:11,12,15).

## **KESI**

Nanochu chekalayi Nzambi wajila walona, chija ababesha akwanshidi. Watuleja mumukanda windi nindi kwekala kalona kwababeshanawu haya nyaka ejima abulana kwovwahila Nzambi. “Antu atama akayitwala kukalona, yoyu nyuza yejima yikumuvulamena Nzambi.” (Masamu 9:18). Kalona hikawasweja kutama hohuku, chija kawantu avulamenana Nzambi nawa.

Hakwila Nzambi hiNzambi wakukena. “Hanakenji muntu niwumu kunongaku, nakenji antu ejima abalumuki kunyichima.” (2 Petulu 3:9). Nakukena kwindi nalwi lwindi lweneni wabuza dehi njila yakupulukila yawantu ejima atwilana kupuluka. Eyi wakena kumona njila yawumi tahindi?

## **NJILA YAWUMI, CHAMWINU**

Etu hitwatwesheli kudamwina kunshidi yetu hela kukubabesha kutwatelelanaku, dichi **Nzambi watwinkeli Chamwinu**. “Chaswejeliyi Nzambi kukaḡa mpata yamunu mwishina, waheni Mwanindi wumu hohu, kulonda muntu wukumukuhwelela aheti wumi wahaya nyaka, abuli kunona.” (Yowanu 3:16). Nzambi, Tata wamwiwulu, watemesheli Mwanindi, Mwanta Yesu Kristu, afumi mwiwulu enzi muni mwishina. Yena washakaminana himuntu, ilana havulumwinuku. Wakimbokeli munyikala nakwila nyidimu yayiwahi, wakolesheli akata, watookesheli akwambumba, wafumishili ademoni adinji mudantu,

waanakeneni akwanshidi abalumukili munyichima, walejeli antu nsaju yaNzambi.

Ilaŋa chuma chalema chalondeliyi habalumukiliyi kwikala muntu dichi chakutufwila wejima wetu, owu wabulili nshidi ahani mashi indi alema ekali ifutu danyilona yetu. Wetejeli antu atama amutambuli nakumweta nyinkakambu yayivulu, amuwiki chibaaba chanyimbambaŋoma kumutu, amupopeli kumutonde kwamweniyi-kukaba kwakweni. “Yena yomweni wasendeli nyilona yetu mumujimba windi hamutonde.” (1 Petulu 2:24). Wakufwilileyi, wantwililami.

## **KUSANJUKA KWINDI**

Chanakamiyi dehi mwijamu mafuku asatu, Yesu Kristu hakusanjuka mudi afu. Wendelaŋa nawatumbanji twindi nakuhanjika nawu mafuku makumi awana, nkumininaku hakukandama mwiwulu mwashakamayi kuchikasa chaNzambi chachidiliu. HiChamwinu wahanda, wukweti “ŋovu jamwiwulu nijahamaseki jejima.” (Matewu 28:18). “Dichi yena natweshi kwamwina chikupu antu akundamaŋa kwakwihi naNzambi nayena, nanichi chahandayi yena haya nyaka nakuyilebelela.” (AHeberu 7:25).

## **MWIWULU**

Mwinwulu dimu mwashakamayi Nzambi mulubanji lwakulema kwindi. Mwanta Yesu welili nindi, “Nukuya nakuyilongeshela mwakushakama. Chineli nami nukuya nakuyilongeshela mwakushakama, ami aweni nakenza cheri nakuyitambula; kulonda kunakekalami, diku mwakekali ninenu nawa.” (Yowanu 14:2-3).

Mwakahayama nankashi. “Nzambi wakayikombola madilu ejima kumesu awu; hikwakekala nawa cheri kufwaku; hikwakekala nawa cheri hela kunaŋa hela kudila hela kukataku. Yuma yakusambila yinahiti dehi. ...Hikwamba kekala cheri wufukuku; ...Yehova Nzambi diyi chejeji to-o.” (Chimwekeshu 21:4; 22:5).

Mwajila, “Himwakenjila mwoku hela chuma nichimu chajilola, hela muntu welaŋa chishimashima hela kutwambaku; chiŋa wowu asonekawu dehi mumukanda wawumi waKana kamukoku hohu.” (Chimwekeshu 21:27).

Kudi njila yimu hohu yayaŋa mwiwulu. Mwanta Yesu nindi, “Ami yami njila, yami walala, yami wumi. **Kwosi muntu niwumu wukwinza kudi Tata chiŋa hadami.**” (Yowanu 14:6). “**Hikwekala kuhanda mudi wachenjuku,** muloŋa munu mwishina mukachi kawantu hiyanenkumu ijina dacheri dakuhandu nachuku.” (Yililu 4:12).

## **TUKUTWESHA ņAHI KUHOLOKELA MUNJILA YAMWIWULU ?**

1. “Balumukenu munyichima, mwitiyi nsaju yayiwahi.” (Maku 1:15).
2. **Inzaku kudi Mwanta Yesu Kristu** mwonsu muwekala nachiteli cheyi chanshidi, wumulombi kukwanakena. Yena nindi, “Muntu wukwinza kudami, ami hinakamuumbaku.” (Yowanu 6:37). “Inzenu kudami enu ejima mudi nakukabakana, mwasenda yalema, ami nukuyinookesha.” (Matewu 11:28).
- 3 **Kuhwelelaku Kristu hohu akuhandishi.** “Mashi aMwanindi Yesu

atutookeshanga nshidi yejima.” (1 Yowanu 1:7).

**4. Yena wukukwinka wumi wawiha, wahaya nyaka.** Kristu welili nindi, “Muntu wukutiya mazu ami, hakukuhwelela yena wantemesheli, **wukweti wumi wahaya nyaka**, hakamona kumusompehaku, **nafumi dehi mukufwa nejili dehi muwumi.**” (Yowanu 5:24). “Dichi muntu wudi mudi Kristu, anamulengi dehi chachiha; yuma yayikulu yinahiti dehi, komana yuma yejima yinabalumuki dehi yayiha.” (2 AKorinda 5:17).

**5. Wakaheta kuwunda nikuchineja.** “Chitunekali dehi alona nakukuhwelela, tukweti kuwunda naNzambi mudi Mwanta wetu Yesu Kristu.” (ARoma 5:1).

“Wunsahu diwu weniwu wakwila nawu Nzambi watwinkeli wumi wahaya nyaka, niwena wumi iwu wekala mudi Mwanindi. Muntu wukweti Mwana wukweti wumi iwu; wabula Mwana kaNzambi, hakweti wumi iwuku. Nayisonekeli yumiyi **kulonda mwiluki nenu mukweti wumi wahaya nyaka.**” (1 Yowanu 5:11-13).

## **MWAKUSHAKAMA MUWUMI WAWIHA**

**1. Tanaku mukanda waNzambi hefuku hefuku.** Hichejeji chakutongekela munjila yetu, hikudya kwanyichima yetu. “Fwilenu mayeli awuspiritu akadi makasu, neyi anyikeki anawaliki katataka, kulonda mukuli nachu.” (1 Petulu 2:2). Chiwukutanga mulombi Nzambi akulomboli nikukuleja naSpiritu yindi Wajila.

**2. Kundamaku kwakwihi naNzambi hefuku hefuku mukulomba.** Lombaku mwijina daYesu. “Bayi mwakama chumaku; ilana mulejenu Nzambi yuma yejima yimunakenji kulomba, nakulembelela nakusakilila. Kuwunda kwaNzambi kwabadika maana ejima kwakahemba nyichima yenu niyitongojoka yenu mudi Kristu Yesu.” (AFwilipi 4:6-7).

**3. Lejaku akwenu nsangu yaKristu.** “Yanga kwitala deyi kudi akwenu wuyileji yuma yanakwiliyi Mwanta kutoha.” (Maku 5:19).

**4. Chiwukumona kukweseka, tambikaku kudi Mwanta.** “Chakabiliyi yomweni nakumweseka, yena natweshi kukwasha antu akwesekawu.” (AHeberu 2:18).

**5. Neyi wukudimbuka, itejaku swayi kudi Nzambi.** “Neyi tukwiteja mutunavulumuni, yena washinshika walona, wukutwanakena nyilonja yetu nakutookesha kuhera kwejima.” (1 Yowanu 1:9).

**6. Esekaku kutiyangana nawakwetu anakuhweleli Mwanta Yesu Hristu.** “Nayileji nami mukenangani, neyi chinayikenji dehi ami.” (Yowanu 15:12).

---

Pour obtenir gratuitement de la littérature évangélique, des livres et des traités en plus de 540 langues, écrivez à:

**E-MAIL: [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. BOX 2191, PRETORIA, 0001, R.S.A.**

(Une Mission de Littérature évangélique financée de dons)

(Reg. No. 1961/001798/08)